



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XIII.

urn:nbn:de:hbz:466:1-11453

sibi facere, in obscuro mansit : Sed tamen compertū erat,
 magnam illustris viri fortunam inuidia non caruisse.
 Ingentem eius spiritum multi admirati, sæpè rogârunt:
 Vndè tam multis diū cumulata solueret stipendia? Re-
 spondit : Victores se in Thietmarsiam missurum : vbi si
 res ex sententia procederet, prædis locupletati, indè sibi
 stipendia desumerent : Sin caderentur, nihil esse opus
 stipendijs. Sed tamen is erat exitus multorum, vt vacuū
 redirent & inanes, nihil præter arma portantes. Henri-
 cus autem in Selandia prosperatus, oppida, quæ facile
 fuit, vt potè immunita, occupare, arces etiam aliquot
 obtinuit : & iuxta ritum terræ impositis capitaneis, cæ-
 teri rure degunt, affuturi vbi opus est : Cùm interim
 exorta ruri inter Danos & Holsatos (vt facile fit inter
 militantes) contentione ex causis leuissimis, quidam ex
 primoribus Danorum multis charus opprimitur ab Hol-
 satis : Eare breuè per longinquum diuulgata, concla-
 matur ad arma : Execratur omne nomen Holsatorum,
 & cæsi sunt, tumultu multitudinis exorto, trecenti vna
 nocte viri : Quæ res exterruit multos, ita, vt Henricus
 quoq; comes, impositis opportuno loco præsidijs, ipse ab-
 iret. Erat autem annus post mille trecentos quadrage-
 simu secundus.

CAPVT XIII.

Ludouicus interim Bauarus Romanum admini-
 strabat regnum, nec vllis potuit conditionibus pla-
 cari, vt amulum à se captum Fridericum, ducem Au-
 striæ, captiuitate sineret laxari. Nulla eum magnitu-
 do promissi eris permouit : nulla profuit amicorum in-
 teruentio : omnia frustra pertentata euauère. Vbi iam
 multis frustra conantibus nihil potuit effici, ipsi in-
 ter se principes soli conuenère, vt Fridericus interposito
 iura-

iuramento de nunquam resiliendo, omne ius sibi compe-
 tens permetteret Ludouico, liberè cedens & renunci-
 ans. Literis interuenientibus, omnia roborantur: Non
 mirum, quòd his usus sit Fridericus conditionibus ad sui
 laxationem: sed mirum, quòd his ad sui securitatem
 credidit Ludouicus. Duxit interea coniugem idem Lu-
 douicus rex filiam comitis Hollandiae, nuptijs Colonia
 celebratis. Interim Papa excitato rege Neapolitano Ro-
 berto, exercitum misere in Mediolanum Imperio de-
 trahendum: Sed egressi ciues malè multauere veni-
 entes, vt nemo se gauderet aduentasse. Interim ponti-
 fex Iohannes, solennibus institutis processibus, Ludouic-
 cum regno pellere amissus est: Ludouicus ad appellatio-
 nem conuolauit: quam insigniter conceptam ubiq; fe-
 cit publicari. Nos, inquit, Ludouicus Romanorum rex
 proponimus aduersus Iohannem, qui se dicit esse Papam,
 quòd Christi testamentum de pace malè exequitur, pu-
 blicam Christianitatis pacem perturbans: nec remini-
 scitur à sancto Constantino id, quicquid nunc habet ho-
 noris, latitanti Syluestro permissum: malè gratus Ro-
 mano Imperio, vnde desumpsit omnem, quo nunc abuti-
 tur, splendorem: Et reliqua in hunc modum plurima,
 qua prosequi, & longum esset: nec omnino, posteritatis
 oculis subycere, prouidum, vnde scandala pusillorum
 orirentur. Iohannes interea comes Holsatia in Wagria
 luctantem cum Danis Gerhardum cum filijs, deserend-
 dum putauit, & terrae suae componenda industrius insta-
 bat. Considerauit ab arce Linow in primordijs inferioris
 Saxoniae sita, qua semel ac iterum euersa instauratur,
 multa prouenire latrocinia, per publica itinera merca-
 toribus intra praecclaras vrbes Lubicam, Hamburgum ac
 Luneburgum, indignè, vt debuit, perferens, arcem firmavit

mauit in loco Trittove, non longè à Bilena fluuio defluente, limitemq³ faciente vtrig³ ditioni, Saxonia ac Hol-
 fatia. Locus, in quo fundatur, iuris erat religiosorum in
 Reinfelde: sed comes, compensatione facta, monasterio
 tantundem alibi rependit, asscribens de suo villas Arns-
 felde & Woldehorne iuribus monasterij memorati: &
 tamen malum ferunt esse loci fatum, geniumq³ pesti-
 mum, vt nihil ibi gignatur membris omnibus incolume,
 ab homine vsque ad cicures bestias. Hic Iohannes
 fortunatus & locuples, cum terram suam pacatam ha-
 beret, nulli se deinceps voluit immiscere bello: Sedit, &
 adspexit conflictus patruelium suorum: ipse paci nul-
 lam rem duxit preponendam. Reliquit autem filium
 Adolphum, in quo, vt suo dicetur loco, linea eius succes-
 sionis penitus defecit.

CAPVT XV.

Ludouicus interea Romanorum rex vocatus venit
 in Italiam, excipiturq³ perbenignè ab Gibellinis,
 qui partes fouerent Imperij, peruenitq³ in urbem Ro-
 manam, excipientibus eum proceribus Romanis, solenni ap-
 paratu. Habebant autem primores Romani magistra-
 tum, quem appellauere Vicariatum, quem tum Stepha-
 nus Columna gerebat. Is à clero & populo interpellatus,
 coronam Ludouico dedit imperialem: Qua ille perce-
 pit, cum aliquandiù gyrationes vertiginosas Italarum
 in suis partialitatibus ridens conspexisset, in Germaniam
 reuertitur: Conuentuq³ regni conuocato permagnifico
 in Franckfordiam, ad quem etiam vocauerat reges Im-
 perio non parentes, venerat rex Angliæ Imperio nihil de-
 bens. Aderat rex Bohemia Iohannes, Henrici septimi fi-
 lius, ceteriq³ regni tã spiritales, quàm seculares princi-
 pes. Ibi constituta sunt multa, quæ ex dignitate Imperij
 tum